



ძველი თბილისის სადარბაზოების ნარსული, ანგურო და მომავალი

რეზიუმე

სტატიაში განხილულია თბილისში არსებული ძველი, ისტორიული და კულტურული ღირებულების მქონე შენობების ერთ ერთი არქიტექტურული ელემენტის - სადარბაზოების ინტერიერების ფორმირების ეტაპები და მათი სტილისტური გადაწყვეტები. ჩატარებული კვლევის შედეგად აღწერილია ამჟამინდელი მდგომარეობა, დასაბუთებულია მათი ადგილი და როლი ქალაქის არქიტექტურულ კონტექსტში. საერთაშორისო პრაქტიკის მაგალითზე განსაზღვრულია ძირითადი მიმართულებები და ამოცანები, რომელთა გადაწყვეტაც აუცილებელია ისტორიული სადარბაზოებისა და შენობების რესტავრაციისა და მათი თანამედროვე ქალაქურ გარემოში ადაპტაციისათვის.

საკვანძო სიტყვები: არქიტექტურა, კულტურული მემკვიდრეობა, სადარბაზო, ინტერიერი, კოლორიტი, დეკორირება.

შესავალი

XIX საუკუნის თბილისი ორსახა იანუსივით ერთი სახით აზიას, მეორეთი კი ევროპას უყურებდა. ქალაქის განუმეორებელი კოლორიტი მის გარეგნულ სახესა და ყოფა-ცხოვრებაშია სახეობოდა. ეს ის პერიოდია, როდესაც თბილისი, ისევე როგორც მთელი საქართველო, ევროპული განვითარების პროცესშიყო ჩართული.

ევროპიდან შემოსულმა ახალმა წეს-ჩვეულებებმა, საცხოვრებლის ახლებურად გამართვის მოდის დამკვიდრებამ შეცვალა ცხოვრების ნორმები, გემოვნება, მოთხოვნილებები. თბილისის ყოფა-ცხოვრებაში ბევრი თავისებური, სრულიად სპეციფიკური, საგანგებოდ „თბილისური“ არქიტექტურის ტიპი ჩამოყალიბდა. [1]

არქიტექტურის „გაევროპულებამ, ყოფა-ცხოვრების ახალმა ნორმებმა, უპირველეს ყოვლისა, საცხოვრებელი სახლის არქიტექტურაზე მოახდინა გავლენა. თბილისის საცხოვრებელი სახლის არქიტექტურაში იჭრება ახალი ფორმები, ელემენტები, მათ შორის ჩნდება სახლის სრულიად ახალი არქიტექტურული ელემენტი - სახლის ცენტრალური შესასვლელი, ე.წ. „სადარბაზო“, რომელიც სახლის რესპექტაბელურობის, მისი „ევროპულობის“ ერთ-ერთ ნიშნად იქცა.

ზოია მილავსკი

პროფესორი, არქიტექტურის დოქტორი
E-mail: amv59@mail.ru

მირანდა შამილაძე,
მარიამ წიგლაშვილი
მაგისტრანტები

ძირითადი ნაწილი

თბილისში სადარბაზოები 1850–60-იანი წლებიდან შემდგომ ახალი ტიპის „ფეშენებელურ“ სახლებთან ერთად ჩნდებიან. მანამდე თბილისური სახლების უმეტეს ნაწილს შესასვლელი აივნებიდან ჰქონდა, კიბე კიაივანზე გარედან იყო მიდგმული, ან აივნისა და შუშაბანდის ფარგლებში იჭრებოდა ერთი გრძელი, უწყვეტი მარშის სახით. [1]

იმ დროის სადარბაზო სახლის მეპატრონეთა ერთგვარ სავიზიტო ბარათად იქცა და როგორც ქალაქური, ბურჟუაზიული ყოფის სიმბოლო მდიდრულად იყო მორთული. მას საგანგებოდ გაფორმებული ვესტიბიული ჰქონდა, იატაკზე წარწერით „SALVE“, მისი ინტერიერი შემკული იყო პილასტრებით, დეკორატიული ნაძერწობით, მოზაიკით, ცხაურებით, კედლის მხატვრობითა და ვიტრაჟებითა კი. უხვად მორთულმა სადარბაზო-ვესტიბიულებმა თბილისურ სახლებს განსაკუთრებით პარადული, საზეიმო იერი შესძინეს.

სადარბაზოს შესასვლელი ხის, მასიური კარი ნაკვეთი ჩუქურთმებითიყმორთული, მისი ზედა შემინული ნაწილი კი ლითონის ჭედური ან სხმული ორნამენტული ცხაურით იყო დაცული. კარის თავზე ზოგჯერ ე.წ. „ფრამუგა“ იყო მოწყობილი და ხშირად კარს წინფარაც ამშვენებდა. დღისით სადარბაზოში ბუნებრივი შუქი კარის ღიობიდან, შემინული „ფრამუგიდან“ ან ჭერში მოწყობილი „შუქფანრიდან“ აღწევდა. „ფრამუგა“ და „შუქფანრი“ ხშირად ვიტრაჟებით იმკობოდა, რომლის ფერადი შუქის ათინათები ინტერიერს თავისებურ ელფერს სძენდა და სადარბაზოში მრავალფერად განათებული საზეიმო სივრცე იქმნებოდა.

პოლის სიდრმეში, კიბის პირველ საფეხურთან, ჩვეულებრივ დეკორატიულად გაფორმებულ კანდელობრს გადამდნენ, რომელსაც დიდი ზომის სანათი აგვირგვინებდა. მრავალი სადარბაზო კედლის დიდი ღუმელებით თბებოდა, რომელთა მოსაპირკეთებლად მოჭიქული კერამიკული



ფილები იტალიიდან ან საფრანგეთიდან ჩამო-
ჰქონდათ. შესასვლელთან მოხაიკურ იატაკზე
გაკეთებული წარწერა „SALVE“ (ლათ.-სალამი)
მიმსვლელს არა მხოლოდ ლათინურად ეპატიჟე-
ბოდა. სადარბაზოების ორნამენტული იატაკი
სხვადასხვა მოტივებით იყო დეკორირებული
და პოლიქრომულ ხალიჩის ეფექტს ქმნიდა.

თბილისში ამგვარად მოწყობილი და მორთუ-
ლი სადარბაზოები ძირითადად სოლოლაკის, ჩუ-
ღურეთის, მთაწმინდისა და ვერეს უბნებში გვხვდება.
ამჟამად მრავალი მათგანი სახეშეცვლილი და
ნაწილობრივ გადაღებულია, თუმცა რამდენიმე
სახლის სადარბაზო თითქმის უცვლელი სახით
ინახავს პირვანდელ მორთულობას.

თბილისურ სადარბაზოთა ინტერიერების
არქიტექტურულ-დეკორატიული სტილი ძირი-
თადად ეკლექტიკურია. ვხვდებით დასავლურიფ-
სეველობაროკოს, ფსევდორენესანსს, ფსევდოკლასი-
ციზმს, მოდერნის სტილის, ასევე აღმოსავლური
- მავრიტანული და სპარსულისტილის ინტერი-
ერებს. მათ უმრავლესობას ძირითადად ორი
სტილისტური გადაწყვეტის მქონე სადარბაზოე-
ბი შეადგენენ. ერთი, სადაც ინტერიერები გადა-
წყვეტილია კლასიციზმის სტილში და მეორე,
სადაც სადარბაზოების ინტერიერები მოდერნის
(არტ ნუვო) სტილითაა გაფორმებული. [1]

უფრო მეტად გავრცელებულია კლასიციზ-
ტურისტილით გადაწყვეტილი სადარბაზოები,
რომელთაც ზომიერი პროპორციის სწორკუთხა
ვესტიბიულები და ცალკე გამოყოფილი კიბის
უჯრედები აქვთ, სადაც კედლები და წერის
პლაფონები დანაწევრებულია, მოხატულია ან
მოპირკეთებულია ე.წ. „სტუკოს“ ტექნიკით. [2]

ასეთი სადარბაზოების კედლები შემკულია
დეკორატიული მოხარჩოებებით, პილასტრებით,
მედალიონებით, რომლებშიც კედლის მხატვრობაა
მოთავსებული. ვესტიბიულის მოხატულობა
უმეტეს შემთხვევაში ზეთის ან ტემპერის საღე-
ბავით ბათქაშზეა შესრულებული და მეტწილად
სიუჟეტურ სცენებსა და პეიზაჟებს წარმოად-
გენს, ხოლო კიბის უჯრედის კედლებს ძირი-
თადად ქალღმრთე ან ქსოვილზე შესრულებუ-
ლი სურათები ამკობდა. (ამ სტილის საინტერესო
სადარბაზოები აქვთ თბილისშიაღმაშენებლის
გამზ. №36 და №93, გ. ტაბიძის ქ. №18, გრიბოედოვის
ქ. №14 მდებარე სახლებს).

რაც შეეხება მოდერნის სტილის სადარბა-
ზოებს, მათი ინტერიერებისმორთულობაუმეტე-
სად კიბის მოაჯირებისა და ცენტრალური კარის
ცხაურის დეკორირებითშემოიფარგლებოდა.
ინტერიერის კედლები სადაა, პლასტიკური დან-
აწევრებისა და პროფილირებული მოხარჩოებე-
ბის გარეშე. თუმცა, ზოგჯერ კედლებზე ფერ-

წერულ დეკორსაც ვხვდებით. აქ მხატვრობა
კედლის მთელ ზედაპირზე დანაყოფების გარეშე
თავისუფლადაა განთავსებული და მოდერნის
სტილისათვის დამახასიათებელი ტიპური
დინამიზმით, ჰაეროვნებითა და სიმსუბუქით
გამოირჩევა. სადარბაზოების კედლებზე და
ჭერზე მცენარეულ სტილიზებულ რელიეფურ
ორნამენტებსაც ვხვდებით.

ამ სტილის სადარბაზოები XX საუკუნის I
ათწლეულს მიეკუთვნება და შედარებით ნაკ-
ლებადაა შემორჩენილი. ასეთი სადარბაზოე-
ბიდან აღსანიშნავია ბარნოვის ქ.№16-ში მდე-
ბარე სახლის სადარბაზო, ამაღლების ქ. №6-ში
მდებარე სახლი, რომლის ინტერიერიც და ექს-
ტერიერიც სრულად პასუხობს ამ სტილისტურ
მიმართულებას.

XIX საუკუნის ევროპაში როგორც კვლავ
პოპულარული ხდება და თბილისშიც 1890-იანი
წლებიდან ე.წ. „ფსევდოროკო“ იჩენს თავს.
თბილისური სადარბაზოებისთვისაც ტიპური
ხდება ფსევდოროკოკოსა და ფსევდობაროკოს
სტილში შესრულებული ჭერის პლაფონები და
ბალუსტრადები, რომლებიც შემკულია ფრინ-
ველების, მცენარეთა გირლანდებისა და ადამი-
ანთა ფიგურებით.

თბილისური სადარბაზოების ინტერიერე-
ბის დეკორშიაღმოსავლურ მოტივებსაც ვხვდებ-
ით. აღსანიშნავია თბილისში შემორჩენილი ე.წ.
„სპარსული“ სტილის სადარბაზოები, რომლებიც
ხალიჩისებრი ხასიათის ნაირგვარი პოლიქრო-
მული ორნამენტული მოტივებითა და სტადაქ-
ტიტებითაა გაფორმებული. მაგალითად, დეკო-
რით უხვად შემკულია ი. მაჩაბლის ქ. №17-ის
პომპეზური სადარბაზო, რომელიც დღესაც აღ-
მოსავლურ, ზღაპრულ სასახლეს მოგვაგონებს.
აღმოსავლური სტილისაა ღ.ასათიანის ქ. №58-
ში მდებარე სახლის სადარბაზო, რომლის ინ-
ტერიერიც უხვადაა მორთული ორნამენტებითა
და შეისრული თაღებით.

თბილისში გვხვდება სადარბაზოები, სადაც
ევროპულ მოტივებთან ერთად ადგილობრივ
ეთნო-მოტივებსა დაელემენტებსაც ვხვდებით. მათი
შემკობისას უცხოელი ოსტატები ხშირად ასახ-
ავდნენ ადგილობრივ პეიზაჟებსა და ღირსშესანი-
შნაობებს. მაგალითად, სავარაუდოდ ბ. ტელინგა-
ტერის მიერაა მოხატულ გ. ტაბიძის ქ.№18-ში
მდებარე სადარბაზო, სადაც ოსტატს კავკასიონ-
ის ხედი გამოუსახავს. ხოლო კ. მარჯანიშვილის
ქ. №18-ში მდებარე სადარბაზოში რ.კერგერის
მიერ შესრულებულ დიდ პანოებზე დარიალის
ხეობა და კავკასიონის ქედებია აღბეჭდილი. მ.
წინამძღვრიშვილის ქ. №39-ში მდებარე სახლის
სადარბაზოში კი კავკასიონის ხედები და იტალ-



იური იდილიური პეიზაჟები მხატვარს ერთმანეთის გვერდით დაუხატავს.

მე-19 საუკუნის მეორე ნახევარსა და მე-20 საუკუნის დასაწყისში აშენებული სახლები თავიანთი სადარბაზოებით დღეს ისტორიულ მემკვიდრეობას წარმოადგენენ. თუმცა, შესაძლოა მალე ქალაქმა ეს სიმდიდრე დაკარგოს რადგან, როგორც ჩვენს მიერ ჩატარებულმა კვლევამ გვიჩვენა, მხოლოდ რამდენიმე შენობის სადარბაზოს აქვს სრულად შენარჩუნებული პირვანდელი სახე. სადარბაზოების უმრავლესობა ცუდ მდგომარეობაშია, მათი მოპირკეთება და დეკორი ზოგან ფრაგმენტულად, ზოგან კი სრულადაა განადგურებული. მრავალი სადარბაზო კი საბჭოთა პერიოდში და შემდგომაც მთლიანადაა გადაღებილი. ბევრი სადარბაზო კი დანგრევის პირასაა მისული.

ჩვენს მიერ ჩატარებული კვლევის ფარგლებში, თბილისური სადარბაზოების მნიშვნელოვანი ნაწილი იქნა შესწავლილი. თბილისურ ისტორიულ სახლების უმრავლესობას, რომლებიც ლამაზი ფასადებით გამოირჩევიან, ფართე, მაღალჭერიანი, მოხატული და მდიდრულად კაშხული პარადული სადარბაზოები აქვთ. თუმცა, დროთა განმავლობაში, სახლებს გარკვეული პრობლემები გაუჩნდათ. დაზიანდნენ და სახედაკარგეს არა მხოლოდ მათმა ფასადებმა და მოპირკეთებამ, არამედ შენობებს გაუჩნდა კონსტრუქციული ბზარებიც, მრავალგან დეფორმირებულია კიბეები, კედლები, გადახურვა, აივნები, იატაკები და სხვა არქიტექტურული კონსტრუქციები და ელემენტები. დაძველებულია და ამორტიზებულია კომუნიკაციები. ნადგურდება და იძარცვება ძვირფასი მასალით მოპირკეთებული ინტერიერები და ფასადები, იპარავენ მოსაპირკეთებელ ფილებს, მარმარილოს საფეხურებს, ჭედური ლითონის მოაჯირებსა და სხვა არქიტექტურულ დეტალებს.

მართალია, ერთის მხრივ, ადამიანებისათვის საამაყო ის ფაქტი, რომ ისინი ისტორიული ღირებულების სახლებში ცხოვრობენ, თუმცა, მეორე მხრივ, აქ შექმნილი გაუსაძლისი საცხოვრებელი პირობების გამო, მათ აღარ აინტერესებთ რას წარმოადგენს და რამდენად ღირებულია ქალაქისათვის ეს შენობები. ბევრ მათგანს ურჩევნია ძველი შენობის სანაცვლოდ ამავე ადგილას აშენებულ ახალ, თანამედროვე კორპუსში იცხოვროს.

ისტორიულ სახლებში მობინადრეებს არ აქვთ შესაძლებლობა საკუთარი ძალებით შეაკეთონ შენობის დაზიანებული კონსტრუქციები, არქიტექტურული ელემენტები, რესტავრაცია გაუკეთონ კედლის მხატვრობასა თუ დეკორს. ეს სამუშაოები თავდაპირველად მრავალმხრივ კომპლექსურ კვლევის განხორციელებასა და შემდგომ სპეციალისტთა კვალიფიციურ ჩარე-

ვას მოითხოვს რისთვისაც სერიოზული ფინანსური რესურსებია საჭირო.

ამ მიმართებით საერთაშორისო პრაქტიკის შესწავლამ გვიჩვენა, რომ ევროპაში ისტორიული სახლები აღდგენა არა მხოლოდ საინტერესო, არამედ მარკეტინგულად მომგებიანი საქმეა. სახელმწიფოები დაინტერესებული არიან ისტორიული შენობების შენარჩუნებით, რადგან ისინი, ერთის მხრივ, ქვეყნის ისტორიულ სიმდიდრეს, მეორეს მხრივ კი ეკონომიკური განვითარების მნიშვნელოვანი რესურსს წარმოადგენენ.

ეს პროცესი არა მხოლოდ განვითარებულ ქვეყნებში, არამედ პოსტსაბჭოთა ქვეყნებშიც ინტენსიურად ხორციელდება. მაგალითისთვის შეგვიძლია მოვიყვანოთ ლატვია, სადაც მარკეტინგული თვალსაზრისით საკმაოდ მომგებიანია ძველი შენობა-ნაგებობების რეკონსტრუქცია-ადაპტაცია. ძველ რიგაში მდებარე ასეთ სახლებში აღდგენის შემდგომ უმეტესად მაღალი კლასის სასტუმროები ფუნქციონირებენ. [?]

ლატვიაში ისტორიული სახლების აღდგენისას ზედმიწევნით სრულდება ძველთა დაცვის ინსპექციის მიერ შემუშავებული ინსტრუქციები. იმისთვის, რომ ისტორიულ შენობაში/უბანში რაიმე შეიცვალოს აუცილებელია საპროექტო კონცეფციის განაშენიანების საერთო კონტექსტთან შესაბამისობის მრავალმხრივი დასაბუთება. რიგასა და იურმალაში პასუხისმგებელი სახელმწიფო სტრუქტურები ცდილობენ შეინარჩუნონ და არ დაკარგონ ამ ქალაქების ინდივიდუალური და თვითმყოფადი იერ-სახე. ასეთი მაგალითები მრავლად არსებობს ევროპის ქალაქების ისტორიულ უბნებში, სადაც რეკონსტრუქციასთან დაკავშირებით შესაბამისი საკანონმდებლო რეგულაციებში მოქმედებს. [5]

თბილისის ისტორიულ უბნებში ჩვენს მიერ განხორციელებულმა კვლევამ გამოავლინა, რომ დღეისათვის მრავალი ისტორიული სადარბაზოები დანგრევის პირასაა და უმრავლესობა სრული განადგურების საფრთხის წინაშე დგას. ამ მიმართებით ჩვენთვის საყურადღებო და იყო ისტორიული სადარბაზოებისა და შენობების შენარჩუნების ამჟამად ჩვენს ქვეყანაში არსებული სტრატეგიის შესწავლა. ამ მიმართებით მნიშვნელოვანი ნაბიჯი გადაიდგა 2007 წლის 8 მაისს, როცა ძალაში შევიდა ძველი თბილისის შენობებისა და სადარბაზოების, როგორც კულტურული მემკვიდრეობის დაცვის შესახებ კანონი. კანონის მიღების შემდგომ განხორციელებულია რამდენიმე ისტორიული შენობისა და სადარბაზოს რესტავრაცია (მაგ. მაჩაბლის ქუჩის №17-ში მდებარე სახლი და სადარბაზო). [3]

საინტერესო იყო ასევე ქართული ხელოვნებ-



ის კვლევის ცენტრის მკვლევარების ც.კილაძის, თ. გერსამიას და მ. მექმარიაშვილის თაოსნობით განხორციელებული თბილისის ისტორიული სადარბაზოების პასპორტიზაციის შემდგომ დაგროვილი მრავალი საინტერესო მასალის გაცნობა, რომელთა საფუძველზეც თბილისის კულტურული მემკვიდრეობის პოპულარიზაციის, დაცვისა და გაფრთხილების მიზნით, მათივე ავტორობით გამომცემლობა თბილისის მიერ 2009 წელს გამოიცა თბილისური სადარბაზოების შესახებ უხვად ილუსტრირებული ალბომი. [4]

დასკვნა

ამრიგად, მნიშვნელოვან და მრავალმხრივ ამოცანას წარმოადგენს ძველი თბილისური სადარბაზოების ინტერიერების იერ-სახის შენარჩუნებისა და მათი პერსპექტიული გამოყენების საკითხები.

თბილისის, როგორც რაკურსებისა და ხედების ქალაქის მრავალფეროვნებასა და ხიბლს არა მხოლოდ ადგილმდებარეობა და ბუნება, არამედ მისი ისტორია და არქიტექტურაც განსაზღვრავს. გამომდინარე იქიდან, რომ ქალაქში კულტურული მემკვიდრეობის სტატუსის

მქონე ძეგლების რაოდენობა საკმაოდ დიდია, აუცილებელ ამოცანას წარმოადგენს მათი შენარჩუნება-ადაპტირება, რადგან მათი დაკარგვით იკარგება ქალაქის ისტორია.

უცხოური გამოცდილების გაზიარებით შესაძლებელია რეალურად განხორციელდეს არა მხოლოდ კულტურული ძეგლების შენარჩუნების, არამედ მათთვის ახალი სიცოცხლისა და ფუნქციის მინიჭების სტრატეგია, რომელის შემდეგადაც ეს შენობები თავიანთი უნიკალური სადარბაზოებით უდაოდსაინვესტიციო რესურსის მატარებელ ობიექტებად იქცევიან.

ზემოთ აღნიშნულიდან გამომდინარე, ჩვენი კვლევითი ჯგუფის მიზანია აღნიშნულ საკითხზე მუშაობის გაგრძელება, და ამ მიმართებით არსებული საერთაშორისო და სამამულო პრაქტიკისა და რეკომენდაციების საფუძველზე, კონკრეტული შენობებისათვის საპროექტო წინადადებების შემუშავება. რაც გულისხმობს ისტორიული შენობებისა და მათი სადარბაზოების აღდგენა- შენარჩუნებას, მათთვის ახალი სიცოცხლის მინიჭების მიზნით, რაც ხელსშეუწყობს ისტორიული შენობების როგორც ტურიისტული და სხვა სახის ობიექტების ქალაქის ინფრასტრუქტურაში სრულფასოვნ ჩართვას.

გამოყენებული ლიტერატურა:

1. <https://tbilisi2013.wordpress.com> Tbilisuri-sadarbazoebi. ინფორმაცია უკანასკნელად გადამოწმებულია 17.06.15
2. <https://ru.wikipedia.org/wiki/Стыкко> ინფორმაცია უკანასკნელად გადამოწმებულია 17.06.15
3. <http://ymt.ge/2014/11/Tbilis-savizito-baraTi-2>. ინფორმაცია უკანასკნელად გადამოწმებულია 17.06.15

4. <http://www.ambioni.ge/zeglebi-romelta-sesaxe-biliselebma-araferi-ician> ინფორმაცია უკანასკნელად გადამოწმებულია 17.06.15
5. <http://dmrealty.ru/OverseasPropertyMarketArticle/View?contentViewID=ef3ae3ba-a68a-4a44-a67e-7aef2293046d> ინფორმაცია უკანასკნელად გადამოწმებულია 17.06.15

LAST, REAL AND FUTURE OF ENTRANCES OF OLD TBILISI

MZIA MILASHVILI - Doctor of Architecture, professor)

MIRANDA SHAMILADZE - Master of Architecture)

MARIAM TSIKLARI - Master of Architecture)

Summary

The article discusses the issue of formation stages and stylistic approaches of main entrances - one of the architectural elements of old buildings in Tbilisi with high historic and cultural value. The research describes current state of main entrances of abovementioned buildings and figures out their role in the architectural context of the city. The research provides main approaches from international practice and underlines the problems, which need to be considered during restoration of historic entrances in order to integrate them organically in modern urban environment.